

Inatsisartut suleriaasianni § 37 naapertorlugu matumuuna Naalakkersuisunut imaattunik apeqquteqaatinik saqqummiussivunga:

Apeqqut:

- 1. Royal Greenland sumiiffinni illoqarfinni nunaqarfinnilu tunitsiviit, toqqorsiviit anner-tusarnissaannut nutarsarnissaannullu qanoq pilersaaruteqarpa?**
- 2. Maannamut suut aalisartitsiviit pioreersut nutaallu tunitsiviliornissanut qinnuteqar-pat? Pilersaarutillu sumut killippat?**

(Inatsisartunut ilaasortaq Knud Kristiansen, Siumut)

Tungavilersuut:

Illoqarfinni nunaqarfinnilu isorliunerusuni aalisakkanik tunitsiviit inuiaqatigiinnut sumiiffinniittunut pingaaruteqartorujussuupput. Tunitsiviit (qerinasuartitsiviit, toqqorsiviillu) ukiup ingerlanerani ulikkaarnerini annertuumik aningaasarsionnikkut eqquisarpoq. Aammalu nunami suliffissualiorusullutik pilersitserusuttut, pingaartumik avannaani soqutiginnittut arlaqarunarput, ajornartorsiummik qaangiiniarnermi iluaqusersuisinnaasut.

Aalisarnikkut unammillernartut imaannaanngitsut annerillu ilagaat, tunitsiviit ukiup ingerlalaarnerani ulikkaartitertarnerat, pingaartumik sumiiffiit sikusartumiittuni, tamannalu aatsaat imarornerani qaangerneqartarpoq, ilaatigut aalisarneq ingerlalluarsimatillugu qaammaterpaaluit qaangiunnerini. Tamanna tamaat isigalugu aalisarnerup uneqattaarneranik qaangeruminaatsitsivoq, tunitsiviillu piusut annertusaaviginerisigut qaangerneqarsinnaalluni tiguneqartartut annertusinerisigut aalisar-nikkut patajaassuseq aalaakkaasoq anguneqarsinnaammat.